

Augsburg, 28. Dezember 1568

An Theodor Zwinger

UB Basel, Fr. Gr. I 11, fol. 315r-316r.

(Abschrift des Briefes vom 7.12.1568 ab: Quòd significas, Episcopium...).

S. Quia Ioannes Walch, tabellarius Friburgensis, hinc discedens, in acerrimum frigus et niuum procellas maximas incidit: valde vereor, ne quid bono viro (qui hactenus quidem mihi visus est) mei certè studioso, acciderit. Qua de causa illarum literarum exemplum ascribendum curaui. Interim tuas, perbreues illas quidem, 13 Decembris datas, 27. accepi, cum specimine Ciceroniano, quod mihi probatur. Quod Episcopium et Demosthenem primo quoquis tempore aggressurum scribis: matureret oportet, si ad nondinas absoluere instituit. Quot opuscula eidem Oporiniani tradiderint: non satis intelligo: de Ciceronianis tamen duntaxat te loqui puto: Nodum typographicum, vt Alexander Gordium, soluere institui. Sed vereor, ne acies ensis mei sit obtusior. Iociscus monet, vt vni Episcopio mandem omnia: cuius haec verba sunt: Si certi aliquid, quid fieri velis, ad Episcopium vel Carinum et Zwingerum perscripseris, iure rem experientur, et obtinebunt. Hactenus ille. Ego verò de posteriore dubito: prius sine periculo et sumptu meo fieri velim. Cupio certè quidem vni Episcopio tradere omnia: eamqüe potestatem tibi facio, si omnia illa ex vngulis harpyarum extorseris. Verùm, nisi me animi praesagium fallit, nunquam tradent Isocratem, nisi vi et iure coacti. Ius autem dubium. Illud quidem, si iure illum obtainuerint, postulandum ab ijs videtur, vt et statim excudant κατ' ἀξίαν, et eodem modo, quo Episcopius, me remunerentur. Plura quae scribam non habeo. Potestas omnis tua est. Ac molesta quidem procuratio alienae rei, praesertim litigiosae et controuersae. Sed Achilles interrogatus, quos labores et iucundissimos et molestissimos caepisset, propter amicos, respondit. Petis tu, in omnibus literis tuis, vt te amem. Ego verò nequissimus et ingratissimus sim, nisi te virum isto ingenio, doctrina, virtute, officio et voluntate erga me, facerem maximi. Quod vt re ipsa potius quam verbis cognoscas, si tempus et occasio se dederit, pro virili efficiam. Vale. Augustae Vindelicorum. 28 Decembris. 1568.

Hiero[nymus] Wolfius
Tuus.

Isocratici commentarij¹ quibusdam in locis ita interpolati et male descripti sunt, vt, nisi lector adhibitus fuerit, qui mente non minus quam oculis in legendō vtetur, σφάλματα τῆς λερναίας ὕδρας πολυπλοκώτερα expectem. Siue igitur illos Oporiniani, siue (quod malim) Episcopius excudent, opus fore videtur, vt amanuensem meum, solerter et diligentem adolescentem, adhibeant in loca intricatoria describenda: quem ea conditione isthuc mittam, vt et viaticum vlt̄o citroqüe illi soluant (quod 4 f. non excedet) et dum eius opera vti voluerint, victimum praebeant, praetereaqüe nihil. Quae conditio si alterutris placuerit, curanto, vt quem ad diem Basileae illum esse velint, sciam. Inuitus enim et perincommode illius fideli et solerti opera diutius carebo. Iterum vale.

¹Am Rand vermerkt: Non missem tales, nisi Oporini fretus fuisse industria.